



Der Bartlmäschreiner

Möbel = Stad 'l

Armin Krattenmacher GmbH Bartlmämühle
 Tel.-Nr. 0 88 41 / 72 44, Fax: 79094 ; Armin.K@live.de

824 41 OHLSTADT / GAP

Der Bartlmäschreiner, Bartlmämühle, 82441 Ohlstadt / GAP

10.08.2011KA

Postbank

- Onlinebanking
- Wegen Tangenerator

Griaß God beinand,

sovui hab i scho lang nimma gfluacht.

Mei war des sche mit dene Tan – Listen –
 So einfach - so schnell, -

As erste moi wia i den neien Tan Generator – Kobil –
 hergnomma hab – da is des – rückblickend – anscheinend irganwia zufällig ganga.
 Weil gestern, woet i wieda was übawaisen, hab de Kartn neigschobn, F – gdrückt,
 dann wart i
 1 bis 2 Minuten – abgebrochen - und des öfters.

Da hab i mia denkt – was mach i foisch ?

Heb is net richtig – wackelt i zvui, - guat – es is scho 4 Uhr früh.

Und es dauert und dauert.

Dann hab i mia den Film noamoi ogschaugt – den Werbefilm fia den TanGenerator –
 Und hab mia de Gebrauchsanweisung downgloaded - aba des was mi interessiert hätt
 –

hab i natialle nirgens gfunden.

Es dauert mia wieda zlang . lies wieda was so drom steht. Dann steht da was von
 80%

Und ma muaß in des Feld klicken - i klick und klick zwischendurch erscheint a
 Zahl –

Aba wia verstell i de ? – und was bewirkt de ????? irgandwie - lang gnua
 rundgdruckt –

Dann hab i de Zahl auf 100% bracht – weil i mia denkt hab – desto höher – desto
 besser.

Zwischendurch is da Bildschirm auf Dunkel ganga – weil i länger nix eigeibn hab -
 !?!?!?

I woet des Teil scho beim Fenster nausschmeißn – aba dann gfreit si blos der der wo
 de Teile verkafft.

Dann lies i da a Service Numer - ohne Geschäftszeiten - i ruaf o, bin total überrascht dass da ebba higeht.

Des nette Mädli is de ganze Nacht extra aufbliem dass mi beruhigen kann. – des war nett.

Aba auskennt hat si si net - si hat gmoant evtl. hab i zvui Licht am Schreibtisch.

Lustig – i habs dann ausprobiert, bin im dunkeln gessen, hab weder ausreichend Licht ghabt dass i

de Daten vom Blattl lesen hab kina de i eigebn hätt solln - und aa den TAN hab i net lesen kina.

Dann hats gmoant – ruafst hoit moeng o – ab 800 Uhr san Techniker da. – de kinnan mia dann gwiß weiterhelfen.

Dann bin i hoet um 5 uhr doch ins Bett ganga – unverrichteter Dinge.

Mit de Tanlistn hab i in ana hoibn Std leicht 20 Übaweisungen gmacht – mit dem Tangenerator – (Schimpfwort laß i weg) – hab i koane drei in oana Stund zambracht.

Hab wiede den ganzen Tag koa Zeit ghabt zum Telefoniern.

Dann wars 23.00 Uhr, i hab mia denkt - jetzt zittert i vielleicht no net so , probierst as noamoi.

Kartn nei, F gdruckt, highobn, - abgebrochen.

Jetzt woas i no net was des mit dene Zahlen bei dene Flicker..... bewirkt.

Heit bin i drauf kemma. - wenn ma weiter links drückt – weads weniger - weiter rechts weads höher – oiso links –

Dann hab i jetzt 60% eigebn. - jetzt geht's !!!!!

Und as Licht hab i aa wiede eigschoitn - geht oewei no.

Da bin i aba froh - des wär nix fia mi gwen im Dunkeln arbatn. - i bin ja koa Nachtwächter.

Trotzdem dass des jetzt scho relativ guat geh, - dauerts mindestens no doppelt so lang wie vorher mit de Tan Listen.

Außerdem : bei jedem Vorgang muaß ma de Kartn raus und neidoa – dass des Kastl ogeht –

Gibt's da koan Tastendruck ?? - des regt mi auf.

Naja, samma hoit Versuchskaninchien, - wead scho no verbessert wean.

Wie lang wead de Batterie ungefähr halten ?

Danke.

Mit freundlichen Grüßen

Armin Krattenmacher

Der Bartlmäschreiner